

我上佻意做的代誌

各位評判老師、各位好朋友，逐家好，我是編號第 00 號，今仔日欲演說的題目是「我上佻意做的代誌」

「下暗咱來去！咱來去來去惹夜市，」諱！逐禮拜五的夜市仔，就是我上期待的時陣，這抑是「我上佻意做的代誌」，厝裡的空課就愛做予好勢，才會當照約束，和阿母佻阿兄做伙來去惹夜市。若欲惹夜市彼一工，放學轉來到厝，我和阿兄就冗早身軀洗洗咧，衫仔褲穿乎拍哩拍哩，看下暗的好天氣，順煞和閃爍的天星佻月娘相招來去，行！來去鬧熱閣趣味的夜市。

哇！遠遠就看著一群一群的人挨挨陣陣，夜市仔賣的物件有夠濟，食的、穿的、迤迤物仔逐項有，大聲細聲傳來鬧熱滾滾的喝賣聲，燈火閃閃爍爍，照甲逐家面仔紅紀紀，喔！我這個虎鼻獅，早就鼻著芳貢貢的牛排，害我腹肚枵甲大腸告小腸，頭家好禮閣好喙，一直招呼阮來坐喔！我就順勢摸阿母入去食暗頓，一睏仔，芳芳芳的牛排就捧來阮的面頭前，刀仔、攪仔做伙來，敲敲砵砵，莫怪人講：「講就食就爭破額」，人客有夠濟，鬧熱嗤插。

牛排食煞閣繼續行，這無全款的芳味，害我強欲流喙瀾，人講：「肚飽喙毋飽」，蔥仔的芳味和胡椒芳，這是阮隔壁姆婆的後生仔賣的，哪會使無共交關，買轉來做點心嘛真讚。

閣行過去，煙是衝甲半天懸，是咧烘魷魚，芳貢貢的魚仔芳，閣有臭黝黝的臭豆腐，講是臭，毋夠我食了閣有繼，明明就食甲飽叮噹，閣想欲食，喺閣真饞呢？

頭前喝甲大細聲，緊和阿兄佻阿母倚去看覓咧，頭家笑微微對阮講：人客仔，一年 365 工，今日上好空，這台語的 CD，趣味閣好聽，好聽好聽！三房兩廳。今仔日來到現場的人真正有福氣，人講買有著，九斗換一石，阿若買無著，你轉去心肝著毋通礙虐，我若賣無完，心肝就結規丸，來！來！來！緊！緊！緊看予清，認予明，跤手趁你就買無，有買多謝，無買感謝。

夜市的頭家實在真正厲害，勢招呼閣服務好，彼喝賣的工夫真正是一流的，正港是璇石喺，閣有厚厚的人情味，我喺四界食、目睷四界看，夜市仔真正是真迷人，也知影做生理是無簡單的道理，人講：錢歹趁，囡細漢，阿母攏叫阮著愛較儉咧，雖然盞夜市是我上佻意做的代誌，毋夠我嘛知影愛加看減開較有底啦！

我的演說到遮，感謝逐家。